

安陸府志卷之十七

良吏列傳上

設官分職原以爲民鷹鷂鸞鳳果孰可親昔聞善政虎渡雉馴仰思先哲豈伊異人傳良吏

郡職

郡傳中邑屢有州更置分合未定焉

周

虎

召虎召康公之裔也周宣王時淮南作亂王命虎帥師循江漢討平之遂經理其地于是有江漢之詩

安陸府志

卷十七上

一

漢

灋雄

灋雄扶風郡人爲南郡太守郡濱帶漢沔有雲夢藪澤多虎狼吏驅民往捕民患其擾雄乃移書曰凡虎狼之在山林猶人之在城市至化之世猛獸不擾皆由恩信寬仁下及飛走太守雖不德敢忘斯義其毀檻穿破機械勿妄捕山林于是虎患頓息人賴以安

晉

李陽

李陽成帝時爲竟陵太守從陶侃破蘇峻于石頭  
石虎將夔安進圍石城陽擊破之安乃退

庾翼

庾翼爲南郡太守石城被圍翼屢設奇兵潛致糧餉  
石城得全翼之力也

劉宋

沈慶之

沈慶之武康人爲竟陵太守荊蠻叛爲設方畧討平  
之

安陸府志

卷十七上

二

劉懷珍

劉懷珍平原人補竟陵太守南郡太守沈攸之矜躁  
虐加楚服阻兵中流聲劫幼主乃遣子靈哲領兵衛  
京師攸之復圍郢城珍復令游擊將軍張謨破之進  
平南將軍

劉道產

劉道產爲竟陵太守百姓樂業惠澤及民卒于官諸  
蠻皆衰經號哭送至沔口

蔡興宗

蔡興宗初爲彭城王義康司徒後遷安陸王持節都督行郢州諸軍事初吳興丘珍孫言論侵興宗而珍孫之子景先興宗與之周旋及景先在竟陵爲吳喜所殺母老女穉流離夏口興宗至郢州親自臨哭致其喪柩家口令得東還

### 劉秀之

劉秀之東莞人十餘歲與諸兒戲于前渚有大蛇來勢甚猛諸兒莫不顛沛驚呼秀之獨不動衆併異之後督郢州之竟陵隨二郡事蒞官清潔家無餘財

### 安陸府志

### 卷十七上

### 三

### 柳世隆

柳世隆爲江夏內史行郢州事沈攸之反乘輕舸從數百人下白螺洲坐胡床至郢以郢城弱小不足攻遣人告世隆曰被太后令當覓還都卿旣相與奉國想得此意世隆荅曰東下之師久承聲問郢城小鎮自守而已攸之將去世隆遣軍于西渚挑戰攸之口怒令諸軍登岬燒郭邑築長圍顧謂人曰以此攻城何城不克晝夜攻戰世隆隨宜拒應衆皆坡却

### 曹景宗

曹景宗字子震新野人每讀穰苴樂毅傳輒歎息曰大丈夫當如是永元初爲竟陵太守梁武起兵以景宗爲前鋒軍及漢口濟江圍郢城自二月至于七月郢城降後封竟陵縣侯復破昌義師魏人奪氣景宗振旅凱入帝於華光殿宴之令沈約賦韻景宗不得韻意色不平啟求賦詩帝曰卿技能甚多人才英拔何必止在一詩景宗已醉求作不已詔同約賦韻時韻已盡惟餘競病二字景宗便操筆立成曰去時兒女悲歸來笳鼓競借問行人何如霍去病帝嘆賞

安陸府志

卷十七上

四

不已約及朝覽驚嗟竟日

焦度

焦度安氏人也爲郢州刺史會攸之反衆至夏口攻郢度于城樓上肆言辱罵至發露形體穢辱之攸之怒百計攻城度親力戰攸之衆蒙楯將登度令投以穢器衆不能冒至今呼此樓爲焦度樓度爲人樸澁欲就高帝求州不知所以置辭親人授之辭百餘言度習誦數日會高帝履行石頭城度欲自陳臨時卒忘所教乃大言曰度啟公度啟公度無食帝笑曰卿

何憂無食即賜米百斛除游擊將軍卒

梁

蕭景

蕭景武帝從父弟也都督郢州刺史在州有能名竟陵郡接魏界多賊寇景移書示魏不復侵掠

蕭秀

蕭秀文帝第七子爲郢州刺史加都督郢州郢地居衝要賦歛殷煩人力不堪至以婦人供作秀至約已省去游費百姓安堵境內晏然聞共疾百姓咸爲請安陸府志

卷十七上

五

命及薨裂裳爲白帽哀哭以送之

范雲

范雲字彥龍舞陰人晉范汪六世孫也父抗爲郢府叅軍雲隨在郢與沈約庾杲之相友始爲郢州灑曹叅軍齊建元初隨竟陵王子良之會稽初梁武在竟陵西邸與雲情好歡甚後即位以佐命功封霄城侯

蕭恢

蕭恢文帝第十七子除郢州刺史加都督初郢城內疾疫死者甚多不及收殮恢下車遽命埋瘞時有進

筒中布者恢以竒貨異服即命焚之于是百姓仰德  
夏侯夔

夏侯夔領安陸太守時魏郢州刺史元顯達降詔改  
爲北司州以夔爲刺史

康絢

康絢藍田人也天監元年除竟陵太守在州三年大  
修城隍號爲嚴整性寬和少喜愠在朝見人如不能  
言每寒時見人有藍縷者遺以襦衣其好施如此

韋叡

安陸府志

卷十七上

六

韋叡素與武帝游知非常人及武帝起兵叡率衆來  
見帝撫几曰佗日見君之面今日見君之心吾事就  
矣師克郢帝難其守將久之顧叡曰棄騏驥而不乘  
焉遑遑而更索即日以爲江夏太守行郢州事初郢  
城之拒守也男女垂十萬閉壘經年疫死者十七八  
皆積屍於床下而生者寢處其上每屋盈滿叡咸爲  
營埋百姓賴之

庾域

庾域字司大其先新野人後徙荆南梁辟郢州主簿

嘆其才召爲錄事叅軍母性喜聞鶴唳命域致之忽有雙鶴降庭及郢州平封廣縣後軍司馬其子名子輿字孝卿域卒扶櫬過瞿塘值灩澦水漲子輿哀痛水爲之消有雙鳩巢舟中每聞泣聲飛鳴激切梁簡文帝嘆美其材曰荆南杞梓

王僧辨

王僧辨字君才太清中爲郢州守復代柳仲禮爲竟陵太守平侯景之亂封長寧公

周

安陸府志

卷十七上

七

裴俠

裴俠鮮州人也七歲不能言後於洛城見群烏蔽天舉手指之而言遂智識聰慧異常童爲郢州刺史去職之日一無所取民歌之曰肥鮮不食丁庸不取裴公清惠爲世規矩入見文帝帝命俠別立謂諸牧守曰裴俠清慎奉公爲天下最今衆中有如俠者可與之俱立衆皆默然無敢應者帝厚賜之世號爲獨立使君

史寧

史寧建康人也以軍功爲南郢州刺史侯景寇州寧奔梁武帝引至香蹬前謂之曰觀卿風表終是富貴我當使卿衣錦還鄉寧荅曰臣世荷魏息位爲列將天長喪亂本朝傾覆不能北面事逆賊幸得息肩有道儻如明詔欣幸實多因涕泣橫流梁武爲之動容

柳敏

柳敏河東人以禮部出爲郢州刺史甚得物情初文帝克復河東見而器之謂之曰今日不喜得河東喜得卿也即拜爲丞相府叅軍事遷禮部遭母憂居喪安陸府志

卷十七上

八

旬日髮鬢半白人稱爲孝

隋

房彥謙

房彥謙於開皇中爲長葛令甚有惠政超遷都州司馬吏民號哭相謂曰房明府今去吾屬何用生爲百姓爲之立碑頌德

唐

許渾

許渾丹陽人太和中郢州刺史平易近民政暇賦詩



許志雍

許志雍貞元中以監察御史出爲郢州刺史時于頔節制山南東道斂民方急郢爲屬郡故韓昌黎作送行序規之

令狐楚

令狐楚郢州刺史治尚寬大及代去吏民懷之

馮定

馮定字介夫于頔素善之頔在襄陽定徒步上謁吏不肯白乃亟去頔聞斥吏歸錢五十萬定返其遺以

安陸府志

卷十七上

九

書讓頔不能下士頔大慙後第進士異等除祠部員外出爲郢州刺史

後漢

尹實

尹實事梁爲郢州刺史後歸漢高祖復守郢州高從誨攻荊南實擊走之

宋

朱台符

朱台符眉山人十歲能屬辭嘗作黃山樓記爲人所

稱太宗廷試貢士多擢敏速者台符以盡晷成一賦  
登進士知郢州有治聲

李昉

李昉刺郢州嘗建五客堂於白雪樓後詳具古蹟中

尹洙

尹洙景祐中爲范仲淹黨謫監郢州酒稅其名益重

陳純夫

陳純夫初以廕補齋郎仕東閩有異政守郢繼父之  
後郢人稱之不啻召杜純夫篤於恩義歷仕四十二

安陸府志

卷十七上

十

年確守名節宣和間自康南乞祠居鄉十年以文自  
樂官至大中大夫世號湖南夫子

范致虛

范致虛徽宗時通判郢州有直名爲右司諫

李仲寓

李仲寓郢州刺史在郡十年政尚寬簡境內以安

岳飛

岳飛爲德安府制置使賊將京超據郢州號萬人敵  
飛提兵至郢超投崖死遂復郢州

李誠之

李誠之東陽人知郢州知金人必敗盟大修邊防攻戰之具積粟四萬以資民食金人卒不得志後城陷自剄妻許氏及婦若孫皆赴水死

張孝曾 孫廷堅

張孝曾孫廷堅俱熙和中知郢州築堤百里以障水患民至今賴之

幸元龍

幸元龍高安人判郢州上書雪濟邸之誣先是寧宗初元龍爲湘陰簿万侯高之孫與岳氏訟元龍懲之其平日有風裁如此

曾三聘

曾三聘知郢州有治行會韓侂胄爲相指三聘爲故相趙汝愚之黨坐追其官

黃從龍

黃從龍郢州推官淳祐三年死節詔賜通義郎官其一子

趙文義

安陸府志

卷十七上

十一

趙文義郢州都統制時呂文煥降元爲鄉導元兵水陸併至文義屢戰多襲援兵不繼死之

邊居誼

邊居誼呂文煥裨將也元伯顏侵郢州文煥降之居誼次郢州築新郢夾江爲城堅壁固守以禦元師元兵莫能近遂入漢取沙洋近逼新城文煥至城下招之居誼射中其右臂率所部三千人死戰皆沒居誼赴火死伯顏遂屠其城

元

安陸府志

卷十七上

十二

丑閭

丑閭蒙古進士出知安陸府至正十二年斬賊曾灋興犯安陸閭募兵數百自帥出戰敗賊前隊乘勝追北賊由他門襲入閭亟還城朝服坐公堂罵賊被執不屈明日遇害妻侯氏以酒食詒賊夜潛自縊事聞贈河南行省叅知政事贈侯氏寧夏郡夫人表其門曰雙節

嗣

吳復

吳復廬州合肥人生而沈鷲少言笑勇略過人元季從洪武戰伐有功甲辰二月從征陳理于武昌下漢沔荊州諸郡守沔陽時元同僉任亮擁兵安陸復自沔倍道徑擣生縛亮以歸封安陸侯繪像功臣廟

余彥誠

余彥誠洪武間知安陸州賦役均平勤於撫字民至今頌之

陳申

陳申洪武末知安陸州勸勉學校均平賦役人稱其

安陸府志

卷十七上

十三

廉能

顧震

顧震臨淮人景泰初知安陸州政尚嚴肅事集而民不擾

朱輝

朱輝豐城人景泰中任安陸學正行篤學優嚴於師道七年如一日卒於官諸生爲之號泣經紀其喪

趙熙

趙熙天順初由進士知安陸州政無苛刻斷獄剛允

林啓

林啓同安人以鄉試第一授安陸學正有十有識後陞兩京博士

方向

方向桐城縣人弘治十六年謫遷安陸知州居官廉儉惟一僮自隨室不扃戶蒞政剛敏人不敢干以私而又篤于愛民有古循良之風

惲釜

惲釜號后谿江南武進人正德辛丑進士知安陸州

安陸府志

卷十七上

十四

剛毅抗直不畏權璫遷南吏部員外轉知温州府

李士翱

李士翱字如翰長山人嘉靖初知荊門擢守承天時慈宮南祔供應浩煩翱區畫有方民不爲擾歲饑多方賑恤民駢死疫癘捐俸營地塋之比遷秩行李蕭然官至戶部尚書

茹鳴金

茹鳴金無錫縣人嘉靖癸未進士累任承天知府創始府第規模整飭制度弘敞經營籌度誠足述也

龔治

龔治山東堂邑人由進士嘉靖十五年知承天治理嚴潔務簡靜節縮公餘修葺橋津具有成緒偶病而卒歸橐無一長物士民言之莫不悲惜

顧璘

顧璘字華玉蘇州吳縣人由進士累官工部侍郎嘉靖十八年命督顯陵大工與太守吳惺共採輯先後實蹟作興都志二十四卷

吳惺

安陸府志

卷十七上

十五

吳惺浙江餘姚人嘉靖丙午進士知襄陽府循政稱最尋補承天知府公蒞任惠澤滂流公餘之時與東橋顧公修輯府志未梓其善政頗多

鄔璉

鄔璉江西新昌人甲辰進士由工部郎出守承天府適陵役大興重以歲祲公節儉鎮靜事集而民不擾

惲紹芳

惲紹芳字光世江南武進人嘉靖丁未進士由刑部分巡荆西慷慨廉正治理明備陞福建叅議

范昕

范昕絳州人嘉靖中同知承天府清苦自持嚴剛剛  
介守備廖斌誣奏謫戍南海與御史包節同難今公  
與節俱春秋二祀矣

鄭洛

鄭洛字禹秀安肅人嘉靖中以進士分守荆西念郢  
俗多以上田投獻致一田兩稅公爲嚴禁氓庶樂生

鮮宋

鮮宋字應儒興化人嘉靖中進士隆慶初分守郢中

安陸府志

卷十七上

十六

愛民如子謙恭下士弱不勝衣然誠能動物敬之者  
如神剛

舒春芳

舒春芳鄱陽人嘉靖中任湖廣叅議署荆西道事每  
晨率胥吏焚香告帝不敢飢灑枉民公餘進諸生講  
明理性之學務求實際遇訟者盈庭反復開諭民歔  
歔感悟懷辭而出卒于官貧不能殮其清苦如此

邵榘

邵榘字良用浙江仁和人嘉靖中分守荆西時錦衣



陸炳擅權往來使車謁陵畢即拜彼祠堂公毅然持正竟不一徃貂璫肆虐則多方調護民賴以安

### 鄭文茂

鄭文茂字實夫浙江縉雲人嘉靖癸丑進士選刑部郎執灋不阿權貴時鄭端簡公爲大司寇有大小鄭之稱擢守承天中貴頗恣睢而綰留闔者有奧援相比爲奸即臺使莫能制公獨抗之至軫民疾苦咸竭心力漢水數爲郢患築堤捍禦民至今受其利陞四川副使弇州先生有傳

### 安陸府志

#### 卷十七上

#### 十七

### 王垞

王垞字白衡太康人進士萬曆初分守荊西道通達治體有材局耻阿附權貴丙子秋大比將鎖棘適監試官病篤院檄公代之公以江陵子在試力辭不徃後事發監試者罷去人服公有先見之明居郢三年境內安靜謳吟徧江漢

### 傅霖

傅霖字應期山西澤州人由進士萬曆初分巡荊西好文樂善怒如饑渴不屑與俗吏偶然清風穆如沔

之陂湖藪澤昔爲盜魁者皆囫心嚮化

李伯春

李伯春松江人萬曆中以進士歷官分守荊西大叅公在任節已愛民謙恭好士性坦易不設城府遇事立斷更復中款後引疾去郢人思之不忘

趙睿

趙睿字若思涇縣人萬曆二年以進士知承天府性冲澹和易居官端謹不事操切而愛民如子每諭所□長吏尤當以禮遇士俾上下情浹乃爲親民之官

安陸府志

卷十七上

十八

陞任入蜀卓有清獻公琴鶴之風士民思慕之

房守士

房守七字升甫山東齊河人由進士萬曆甲申間守承天府持己端肅政尚寬平胸中無城府朔望視學宮與諸生講明理性其要只在真知而清風勁節更足灑云

李先著

李先著蓬萊人丁丑進士由南京兵部郎出守承天公性溫克生平無疾言遽色其吏治敏達堂無滯事

庭無冤民及其守己一毫不苟後陞滇中臬憲人多借寇之思

從貞

從貞字伯剛安陸衛揮使居官清儉出入惟一家童前導瀟然若寒士其清風雅致足爲世胄家勸

高第

高第字嵒塘北直灤州人萬曆中以進士分守荆西持身清嚴整厲憲度作新學宮及魁星樓尊經閣文昌閣煥然修舉捐費區畫不煩民力去後百姓思之

安陸府志

卷十七上

十九

立祠以祀

馮勞謙

馮勞謙山西蒲州人甲辰進士萬曆中守承天端重老成政敦大體節用平賦在任多所興革而秉灋剛正雖寵勢干請終無撓屈至庚戌年權璫杜茂羅織無辜一時側目公力排之璫燄遂息民食其福至今崇祀名宦

李養蒙

李養蒙陝西人萬曆中以進士守承天端方自持嚴

毅不阿如修葺學宮作新士顛興舉廢墜善政居多  
陳本

陳本江西人由舉人萬曆間任推官執灋不撓庭無  
滯獄每有聽斷多愜輿情清苦自持民感其惠爲之  
立去思碑

李應公

李應公四川華陽人由己未進士萬曆間知鍾祥縣  
剛毅果幹尤善知人多善政人心愛慕之

葉秉敬

安陸府志

卷十七上

二十

葉秉敬字寅陽浙江西安人天啟初以進士分守荊  
西才識弘遠博雅好文宗陽明之學公餘手不釋卷  
與諸生講學寒暑不倦陞江西叅政民立祠祀之

任僎

任僎雲南寧安人由舉人天啟初知鍾祥縣美丰姿  
多辯才尤工書畫才識明敏公餘即進諸士討論詩  
文人心景服立祠祀焉

葉官

葉官字玉壺浙江金華人天啟間以進士知承天府

後陞荊西守道清白律己好釐奸剔蠹民不能欺事  
有益於地方者慨然身任之毀譽德怨弗計也士民  
至今德之

吳尚默

吳尚默字鉉垣江南涇縣人萬曆丙辰進士崇禎中  
以御史出守承天尋晉分司公廉約自勵而治以慈  
愛爲本聽斷是非立決遇豪猾奸慝亟除之曰鋤莠  
所以豐苗也蒞郢九載清介之操如一日愛民造士  
興利除害真誠篤至屬邑戴之如父母遷本省方伯  
安陸府志

卷十七上

二十一

去之日郢人呼搶號泣屬于路思之不已立祠肖像  
以祀之其它修城築堤繕學宮立書院諸事不足爲  
公重

賈元勳

賈元勳字愧峩四川巴縣人壬戌進士崇禎間知承  
天府陞荊西道丰儀俊偉政術精明值寇氛逼近公  
練兵修城屹然爲一方保障尤加意興學學宮隙地  
爲豪右所侵公立復其舊學田多黠胥欺隱盡清出  
之以贍貧士至課士校藝一時人文賴以丕變

陳志廣

陳志廣福建閩縣人由進士崇禎間知鍾祥縣催科有方不畏強禦與人興頌民有去後之思

宋一鶴

宋一鶴字鶴峯順天宛平人中崇禎庚午鄉試公儻不群攬轡有澄清之志楊督師特疏公有邊才以分巡授楚撫公以郢爲湯沐地同直指李振聲分汛防護公守寢李守陵癸未元旦賊至守陵兵潰振聲爲賊所執昇至城下衆賊四面登城兵士俱潰公曰安陸府志

卷十七上

二十二

時事至此我爲重臣惟有一死報國耳遂自刎郢人哀之崇祀名宦

盧學古

盧學古山西人由舉人崇禎末爲郡丞署荊門篆賊陷襄陽抵荊門攻城甚急公悉力拒守矢石交下城陷公被執罵賊不絕口死之崇祀荊門名宦

沈壽崇

沈壽崇江南宣城人中武進士崇禎末授郢畱守司公性介直初以清屯爲任忤守備王璫壬午因執謁

見禮忤御史中以他事劾之閉門待罪十二月除夕賊圍城撫軍請出共守嘆曰時無汪立信不禦之門戶而驅之堂奧事勢至此尚可爲乎此吾致命遂志時也癸未朔日城陷公朝服北面拜畢坐堂上厲聲叱賊賊直前砍之仆地曰得死所矣罵不絕口死一子同時遇害

### 蕭漢

蕭漢字雲濤江西南豐人丁丑進士崇禎間知鍾祥縣公剛剛正直訟理政平疾惡詰奸不通請謁值寇

安陸府志

卷十七上

二十三

氛寢盛公增城堞建關廂措兵餉平賦役諸務迎刃而解郢人德之如戴父母癸未朔賊圍城公悉力捍禦將潰左右皆散去公自舉炮擊賊傷左臂城陷被執賊渠羅汝才脇降不屈七日不食自刎死郢人哀慕立石崇祀名宦

國朝

### 李起元

李起元號復庵順天大興人領崇禎壬午鄉薦入國朝授南宮令調宿遷晉戶曹郎順治十年知安陸

府值湖南用兵民困供役公措置有方不施鞭笞而芻糗集由是繕城垣修倉庫新學宮葺公廨多捐俸爲之聽斷則和平以伸愚懦之情嚴厲而挫豪猾之氣人無冤抑矣有良民爲猾隸所誣久不得白其妻訴于上臺委公鞫之立爲昭雪有因群盜株累同擬重辟者公委曲出之全活甚多嘗築堂署之西隅顏曰吏隱鑿池種竹吟嘯其間文采風流較白蘇無愧也丙申秋冬徵遠近能文士將欲重修郡志會公以積勞成病卒士民思之不置

安陸府志

卷十七上

二十四

吳汝鳳

吳汝鳳字剛瑞順天人武進士初領部石門薊北時大亂甫平公能安輯之尋爲延撫中軍順治十四年官安陸副總約束嚴明士民安堵有儒帥風移鎮京口未行而罷遂畱居郢中以疾終其家庭稱孝友焉

李彥珽

李彥珽字愚若陝西三原人乙未進士順治十六年知本縣事剛剛正直訟理政平催科有灋不畏強禦其愛民禮士善政居多卒于官士民感愴焉



鮑瑞魁

鮑瑞魁浙江鄞縣人順治十六年任本縣丞賦性長厚盡職勤勞前值進剿西寇運糧遇賊不屈而死百姓哀之

安陸府志卷之十七

良吏列傳

邑職

凡邑職有互未見於分郡表者傳亦互歸見

京山縣

後周

裴寬

裴寬字長寬河東聞喜人魏孝武時屢立戰功天和二年行復州事三年除温州刺史徙沔州陳將程靈洗攻之力屈城陷陳人執至揚州尋被逐嶺外復還

安陸府志

卷十七上

二十六

建業京山舊為温州

杜杲

杜杲字子暉京兆杜陵人學涉經史有當世幹畧族父瓚深器重之嘗曰吾家千里駒也因薦於朝累遷輔國將軍漢陽郡守及華皎來附詔令魏公直督元定等援之與陳人戰不利自是連兵不息東南騷動乃授公御正中大夫後四年遷温州諸軍事温州刺史賜爵義興縣伯歷隋開皇進爵為公遷兵部尚書卒

鄭萬頃

鄭萬頃滎陽人通達有才幹周武帝時爲司城大夫出爲温州刺史至德中與司馬消難奔陳後復降隋授上義同

唐

許智仁

許智仁安州安陸人父紹兒時與高祖同學相愛大業末任夷陵通守後王世充篡立紹遣使以黔安武陵澧陽歸唐授硤州刺史封安陸郡公高祖賜書道

安陸府志

卷十七上

二十七

平生舊以加慰納蕭銑將董景珍降命詔率兵應接以破銑功擢智仁爲温州刺史銑遣楊道生圍硤州紹擊走之銑將陳普環與開州賊蕭闍提畧巴蜀紹遣智仁等追戰西陵覆其兵擒普環銑以兵戍守荆門紹遣智仁等攻取之制書褒美許以便宜紹尋病卒於軍帝爲流涕智仁初以勲授後封孝昌縣公繼守夷陵終涼州都督

韋於屈

韋於屈京兆人貞元中爲京山令郢州長史劉丹稱

其省用均賦吏畏民安捐不急之繇行以時之令蓋其時良吏也

宋

鄭文寶

鄭文寶字仲贇滎陽人父千牛衛大將軍彥華初事李煜公以蔭授奉禮郎遷較書郎煜降宋公難於一見乃被箠以漁者見煜忠之後登進士第歷光祿寺丞著作佐郎至殿中丞使川陝均稅平夔州廣武亂授陝西轉運副使再平李順及秦隴賊趙包之亂遷

安陸府志

卷十七上

二十八

太常博士深爲太宗所眷遇俄加工部員外郎屢陳便宜詔皆從之後奏減解州鹽價致虧歲課貶藍山令未幾移枝江令眞宗卽位徙京山太中祥符初改兵部員外郎卒

劉幹

劉幹字化權博陵人進士第爲河東節度推官崇寧二年遷京山令郢州通判程初稱其通敏闔爽好古不倦被詔興立學校褒衣之士鼓篋而至者相望也

王安石

王安石臨川人京山丞有惠政及民去任民爲立祠於惠亭山

元

賈泰亨

賈泰亨至元中爲京山尹興立庠序改塑先聖及從祀諸像教民禮讓邑人懷之

明

劉桓

劉桓開化人洪武初以人材知京山縣持己廉介興

安陸府志

卷十七上

二十九

復縣治有開創之功

李文秉

李文秉洪武間以儒士知京山首建大成殿及三壇獎勵學校勸課農桑時稱共廉能

王蔓榮

王蔓榮祥符人洪武六年以人材任京山蒞事明敏撫字有方

毛祥

毛祥西平人舉進士正統五年知京山作譙樓及布

政分司預備倉儲廨舍甚有惠政時縣丞易緯亦能撫字小民父老相傳云毛祥在任僚佐得人累官右叅政

張蓋

張蓋南溪人監生景泰五年知京山官不求名積貯倉穀萬有七千餘石天順四年民饑遂不待報盡發以賑全活至三萬五千餘口

郭郁

郭郁新鄉人舉人正德元年爲京山令性剛方有幹安陸府志  
卷十七上  
三十  
畧百姓以事至庭下者一訊枉直立辯吏民信向值歲歉所在寇盜充斥公拊循有方境內晏然縣至今思之

夏鉉

夏鉉邳州人舉人正德五年知京山時當郭君之後頗難其代獨公才幹相頡頏其政亦在伯仲間嘗聞父老言麻城賊攻大東門事賊雖失利而去然縣人慮其復來莫適自保會公始至廟宿之夕卽與縣謀建築城之策役旣興夙夜殫力視如家事卒以底績

雖旋復圯墮再費完葺然規模大畧皆公遺畫也

### 吳璵

吳璵饒平人舉人正德中知京山時有割里之議璵以京山爲楚衝全里尚不足供役遂力爭得寢縣故無城盜數剽掠至璵封之以石京山之有城自璵始也

### 楊東

楊東字啟震酆都人舉人嘉靖二年除知京山公美儀度精於吏事條格井然以恩威著稱縣號治理時

安陸府志

卷十七上

三十一

巡按御史王公秀深相器異嘗引以自隨而巡撫都御史黃公衷偶因宿憾不悅於公遂摺摭他事欲擠誣之而操履頗貞終莫能齷也在縣數年遷知麻河州

### 譚邦傑

譚邦傑字警堂廣東高明人舉人蒞任六載慈祥豈弟民情周知自奉簡約聽訟剛決催科不擾績滿陞南司城

### 夏啟昌

夏啟昌字六咸雲南臨安人丙辰進士授京山縣令  
政用廉能豪猾斂手其訟賦徵集第刻木板爲伍伯  
形使約保郵致其家如期赴理朝上暮決市獄無惡  
人催徵分四季課責惟正之外不科一錢凡里甲保  
任呼追之苦爲之一洗嚴核驛遞杜冒支省惜馬錢  
數年中村落大姓放臂入城郭無他憂己未調煩江  
陵又二年召爲刑部主事轉廣東督學僉事再擢湖  
北叅議改廣西蒼梧兵備卒於官

龐景忠

安陸府志

卷十七上

三十二

龐景忠字鹿門南海人蒞任四年政無叢脞事皆修  
舉長才潔守治簡刑清村無追呼之擾上有循良之  
譽聞外艱卽日括髮就道起復補司城轉官戶部卽  
乞歸

章聚奎

章聚奎號文朏淞江臨安人崇禎庚辰由拔貢授京  
山令爲治獨持大體簡要寬和於郵傳里督多有優  
恤常朔望集諸士較藝所取半名宿先是每歲冬春  
間流賊徃徃殺掠至近郊公在任三年繕城濬池備



禦有方獨安堵無恙壬午集諸名士續修縣志書成  
適考績當道交薦宜殊擢會賊陷郢邑潰公力不能  
支適鄂圖恢復領武昌監紀同知尋以病致仕

王克敬

王克敬字一欽南直六安人爲京山丞三載最爲清  
苦築堤不染指錢糧清軍不騷擾里甲陞任清州衛  
幕竟無資斧以衣冠質舖始得治行裝

邵洪

邵洪以西安府幕轉本縣簿才調優贍清苦絕倫民  
安陸府志

卷十七上

三十三

訟非奉批行絕不准理羸馬敝衣恬不爲意轉衛幕  
卽歸

張自新

張自新江西分宜人任縣尉崇禎十年有賊盤踞羅  
漢嶺縣檄公統民兵逞剿敵衆我寡竟爲賊傷死之  
題贈邑簿

國朝

許淳朝

許淳朝字叔寧會稽人順治初由太學生任京山主

簿其性樸厚好義表裏如一治事平易簡靜民皆愛戴之後因裁缺遂畱居京山當事者惜其材嘗委董築聶灘諸堤堤成而民不擾竟以愛間不赴改補杜門著詩文十餘年乃卒至今民思之不置

### 汪武揚

汪武揚字我惟黟縣人以明經授京山令邑當兵燹之餘公力爲安戢加意教養百廢俱舉尤明慎用刑未嘗輕加鞭朴邑商賈盡徽人公不因鄉故有所偏庇時王師供億徵輸有灋民不見擾秩滿陞綿州

安陸府志

卷十七上

三十四

刺史

安陸府志卷之十七

良吏列傳

邑職

潛江縣

元

阮伯顏

阮伯顏延祐間知縣事爲政有方先立學校蓋學自至元癸巳隨縣遷建至伯顏時三十餘年已傾頽而伯顏能復建之以作士云

安陸府志

卷十七上

三十五

□安達耳

明安達耳由宿州判官轉潛江縣至正十二年賊陷潛江達耳率勇敢出擊擒其僞將劉萬戶進營蘆泖賊衆奄至鬪死

鄭文暹

鄭文暹至正間知縣事能導揚風化撫字黎元審察冤抑剖決如流而又公正廉潔旣去民立碑以頌之

明

史純一

史純一洪武初知縣事甚有幹才草昧之時百凡未舉公一一創建至於今思仰云萬曆初祀名宦

陳敏政

陳敏政錢塘人正統二年由進士知縣事處己儉約臨政寬和尤加意于學校遷南康知府

呂文

呂文延津人天順三年由舉人知縣事秉公勵勤臨政嚴簡上官多器重之吏民信服陞沔陽知州

胡璘

安陸府志

卷十七上

三十六

胡璘濟陽人成化間由進士授監察御史調知縣事廉以律己公以御事嘗立冰玉壺以自勵有古風二十韻

史華

史華渭南人弘治間任由監生勸課農桑葺理學校諸所廢墜罔不振興一時訟簡盜息治邑九載致仕去人常追思不置祀名宦

□□

敖鉞字秉之高安人由舉人嘉靖初任果敢任事邑

被大水公䟽於朝得免民租之半又䟽開新河以殺  
邑水號曰思江

周延

周延字南喬吉水人由進士知縣事守嚴而吏畏會  
大水賦逋特䟽於朝得賜蠲免未久以才調繁民感  
而祠焉

蕭廷達

蕭廷達朝南人由舉人知縣事平易近民政尚寬簡  
築石磯以固縣治置學租以厚生儒蓋愛民好士兼  
安陸府志

卷十七上

三十七

之矣

黃學準

黃學準南海人嘉靖中任政尚恬夷閭閻帖席蒞潛  
六年去之日囊篋蕭然迄今士民猶誦其清風高節  
云

朱熙洽

朱熙洽字鴻甫崑山人由進士萬曆乙亥任邑苦水  
多積逋且田者不賦賦者無田熙洽力主清田之議  
夙弊盡滌又內繕甌城外嚴堤防盛寒暑必親督視

迄今賴之

王建中

王建中上饒人由舉人萬曆十一年任性沉毅寡言遇事緣情據法屹然不可動善類時以無恐有古德讓廉平之風

潘之祥

潘之祥字伯和婺源人由進士萬曆二十八年任時邑值水患榷稅繁重公禦灾捍患薄歛緩征諸凡城垣舖舍漸次繕築而於民無擾甫下車詢及邑舊志

安陸府志

卷十七上

三十八

久廢卽延英分局續修縣志十五卷

趙奎

趙奎四川彭縣人由舉人任訓導德性溫和學優才瞻教誨不倦多所成就卒於京諸士立祠以祀

葉善

葉善江西樂平人由監生任訓導有學行尤長于詩文邑中之勝多所題識纂輯邑志

劉佐

劉佐巴縣人由舉人弘治十七年任教諭精蔡氏尚

書口授生徒至今邑庠多習書者自佐始

任良幹

任良幹廣西臨桂人舉人嘉靖中署教諭倜儻有俊才諸生貧不能婚葬者捐俸助之歲時餽遺多辭弗受陞信陽州守

趙澤桂

趙澤桂瀘州人以貢任教諭博學勤誨諸生來謁必設問端試對不及則教之士子至今有餘思

羅汝卿

安陸府志

卷十七上

三十九

羅汝卿四川松藩衛人貢士隆慶初任教諭重厚寡言躁妄者見之自失嘗署邑篆辭暮餽之金以清操自持初邑令心易其爲邊士會督學試上等改容禮之

安陸府志卷之十七

良吏列傳下

州職

歷來州職多表郡中以從沿革其傳間有互見則從其地也

沔陽州

晉

朱伺

朱伺字仲文安陸人少爲吳牙門將武勇口訥不知書見卿士大夫揖稱名而已及爲將遂以謙恭稱張昌之作逆伺倡義討之破陳敏以功封亭侯隨陶侃

安陸府志

卷十七下

一

討杜弼有功夏口之戰伺用鐵面自衛以弩射大帥數人殺之賊箭中其脛氣色不變加廣威將軍領竟陵內史及王敦弟廙代侃爲荊州牧遣伺歸楊口壘爲杜曾等所圍杜曾說之降伺答曰賊無白首者今吾年六十餘不能復與卿作賊吾死當歸南妻子付汝乃還甑山

鄧遐

鄧遐字應遠陳郡人平南將軍嶽之子也勇力絕人號爲名將隆和元年守竟陵燕呂護攻洛陽桓温遣



遐及北中郎將庾希帥舟師三千人守之後守襄陽  
沔水中有蛟常爲人害遐拔劍入水蛟繞其足遐揮  
劍截蛟數段而出卒贈廬陵太守

### 羅崇

羅崇海西公時守竟陵太和二年燕慕容塵寇竟陵  
崇擊破之又南陽督護趙弘趙億據宛城降燕崇與  
荊州刺史桓豁攻宛拔之畱兵戍宛而還

### 桓石虔

桓石虔小字鎮惡譙國龍亢人征西大將軍開府豁  
安陸府志

### 卷十七下

### 二

之子也初除竟陵太守以父憂去職尋而苻堅又寇  
淮南詔授石虔奮威將軍南平太守尋進冠軍將軍  
苻堅荊州刺史梁成襄陽太守閻震寇竟陵石虔與  
弟石民拒之賊阻激水屯管城石虔設計夜渡水旣  
濟賊始覺力戰破之進尅管城擒震斬首七千級俘  
獲萬人馬數百匹牛羊千頭具裴鎧三百領成以單  
騎走保襄陽石虔復領河東太守進據樊城逐堅兗  
州刺史張崇納降二千家而還太元十三年卒追贈  
右將軍追論平閻震功進爵作塘侯

桓石秀

桓石秀石虔弟也幼有令名風韻秀徹博涉群書尤嘉莊老常獨處一室簡于應接時人方之庾純甚爲簡文帝所重豁爲荊州請爲鷹揚將軍竟陵太守非其好也孝武初代叔父冲爲寧遠將軍江州刺史領鎮蠻護軍西陽太守鎮潯陽

趙統

趙統孝武時守竟陵太元九年桓冲遣統攻襄陽荊州刺史桓石民復遣兵助之秦荊州刺史都貴犇魯

安陸府志

卷十七下

三

陽

魯軌

魯軌雍州刺史魯宗之之子也安帝義熙十一年守竟陵後與劉裕爲難兵敗降于魏

南宋

劉粹

劉粹字道冲沛郡蕭人累功封灑陽縣男以憂去職高祖討司馬休之起粹爲寧朔將軍竟陵太守統水軍入河後以佐命功改封建安縣侯卒贈安北將軍

劉道濟

劉道濟粹弟也初爲車騎從事中郎元嘉三年討謝晦遣道濟與龍驤將軍沈敞之就粹自陸道向江陵粹以道濟行竟陵內史與敞之及南陽太守沈道興步騎至沙橋爲晦司馬周旋所敗後終振武將軍益州刺史

薛安都

薛安都河東汾陰人初以功封南鄉縣男孝建元年討魯爽安都時爲左將軍遣守歷陽有功遷輔國將軍安陸府志

卷十七下 四

軍竟陵內史世祖使沈慶之督統諸軍慶之使安都追之及爽于小峴安都望見爽便躍馬大呼直往刺之應手而倒進爵爲侯

陳懷真

陳懷真泰始二年爲竟陵郡丞時晉安王子勛僭位張興世與劉胡戰于錢溪胡走入沔北至石城裁餘數騎懷真在竟陵聞胡往過率數十人斷道邀之斬首送京師張興世弟僧產追胡未至石城數十里逢送胡首信將還竟陵殺懷真竊有其功

齊

夏侯恭叔

夏侯恭叔譙國人爲竟陵令惠化大行木連理上有  
光如燭咸以爲善政所致

柳仲禮

柳仲禮河東解人簡文時司州刺史湘東王繹與岳  
陽王詵爲敵詵求援于魏繹使仲禮鎮竟陵以圖詵  
及南陽圍急杜岸請救仲禮帥衆於安陸竟陵郡守  
孫暉以郡降于魏仲禮乃使司馬康昭如竟陵討暉  
安陸府志

卷十七下

五

以輕兵帥於滌頭魏遣楊忠援之仲禮敗没王叔孫  
因斬暉以竟陵降於魏

後周

裴果

裴果字戎昭河東聞喜人保定五年復州刺史性嚴  
猛能斷決每抑挫豪右申理屈滯歷牧數州號爲稱  
職

隋

柳儉

柳儉仁壽中爲沔州刺史坐事免官煬帝卽位徵之  
大業五年郡國畢集於朝帝謂納言蘇威吏部尚書  
牛弘曰郡守中清名第一者爲誰威等以儉對帝賜  
儉帛二百勅天下朝會者送至郡邸以旌異焉

唐

狄仁傑

狄仁傑字懷英并州太原人中宗時豫州刺史初宰  
相張光輔討越王軍中恃功多暴索仁傑拒之光輔  
怒還奏傑不遜左授復州刺史

安陸府志

卷十七下

六

李齊物

李齊物鉉宗天寶五年爲河南尹坐李林甫言朋黨  
貶竟陵太守見陸羽於伶人中異之授以詩後生子  
名復亦爲竟陵太守

陳璠

陳璠復州長史初淮南將張瓌韓師德據復岳二州  
自署刺史時陳儒爲荆南節度瓌引兵入殺儒據荆  
南廣明三年宗權遣趙德諲連攻之城陷瓌死璠從  
瓌至江陵密斷其首置囊中獻京師授安州刺史

梁

劉玘

劉玘汴州雍丘人也世爲宣武軍牙將梁太祖鎮宣武玘爲襄州都指揮使山南節度使王班爲亂軍所殺亂軍推玘爲畱後玘僞許之明日饗士於廷伏甲幕中酒半擒爲亂者殺之會梁遣陳暉兵亦至襄州平以功拜復州刺史

唐

姚顗

安陸府志

卷十七下

七

姚顗字百眞京兆長安人也少憇不修容止時人莫之知中條山處士司空圖一見以爲竒以其女妻之舉進士事梁爲翰林學士中書舍人唐莊宗滅梁貶復州司馬

晉

吳巒

吳巒字寶川鄆州盧縣人也清泰中爲大同沙彥珣節度判官晉高祖起太原召契丹爲援契丹過雲州彥珣出城迎謁爲契丹所擄城中推巒主州事巒卽

閉門拒守凡七月高祖義巒所爲召巒以爲武寧軍節度副使諫議大夫復州防禦使

### 郭延魯

郭延魯沁州綿上人也父饒爲沁州刺史有惠愛延魯爲復州刺史嘆曰吾先君爲泌州者九年民到於今思之吾今幸得爲刺史其敢忘先君之志繇是益以廉平自勵民甚賴之

漢

### 王彥超

安陸府志

卷十七下

八

王彥超臨清人漢初爲復州防禦使時宋太祖徃依之不納後太祖登極幸作坊宴射酒酣顧彥超曰卿曩在復州朕徃依卿何不納我彥超頓首謝曰臣當時一刺史耳勺水豈能容神龍耶使臣容陛下安有今日上大笑而罷之

宋

### 梁延嗣

梁延嗣京兆長安人少事高季興頗見委任繼冲之納土也延嗣亦嘗勸之復率荊之水軍從慕容延劉

越戰太祖嘉之開寶中授復州防禦使入朝太祖慰撫之曰使高氏不失富貴爾之力也改濠州防禦使

### 朱昂

朱昂字舉之潭州人以轉運使直秘閣出知復州表求謝事不許在州多紀述昂富文學有清節後爲工部侍郎與弟協皆致政歸特被恩禮時人以比二疏

### 宋貽序

宋貽序幽州薊人琪之子也琪病令貽序秉筆授辭作多幸老民叙又口占遺表數百字而卒起復貽序

### 安陸府志

### 卷十七下

### 九

爲右贊善大夫上表乞終喪制從之貽序嘗預修冊府元龜筆扎遒勁坐事左遷復州副使爲殿中丞卒

### 王琪

王琪字子玉成都華陰人景佑中知復州治效顯著稱爲循吏民毆佃客死吏論如律琪疑之畱未決已而新制下聽減死郡人德焉嘗建夢野竒觀亭

### 唐介

唐介字子方荊南人仁宗朝爲諫官以言事屢貶改知復州召爲殿中侍御史遣使賜告趣請闕下入對



帝曰卿被謫以來未嘗以私書至京師可謂不易所  
守介頓首謝言事無避如前其子淑問亦通判是州

### 王益柔

王益柔字勝之河南人仁宗朝范仲淹以館閣薦之  
除集賢較理預蘇舜欽秦邸會醉作傲歌時諸人欲  
遂傾正黨張方平等至列狀言益柔罪當誅韓琦言  
益柔狂語何足深計方平等皆陛下近臣西陲用兵  
大事何限一不爲陛下論列而同狀攻一王益柔此  
其意可見矣帝感悟但黜監復州酒稅

### 安陸府志

### 卷十七下

十

### 万俟湜

万俟湜大觀中知復州公勤清約有善政州人稱之  
曰前有王琪後有万俟

### 李森

李森宣和時御史中丞時王黼秉政侍郎鄧之綱婢  
入黼第不出鄧聞於朝送臺考訊森以實聞且劾其  
罪翼日黜知復州

### 施子仁

施子仁理宗時知復州時元將蒙古忒木斛攻荊襄

諸處隨守張龜壽荊門守朱楊祖郢守喬士安皆委郡去惟子仁固守城陷死之

### 楊文仲

楊文仲字時發眉州彭山人寶祐元年登進士調復州學教授文仲明伊雒之學轉運使印應飛辟入幕明嫠婦冤獄應飛悉從其議且薦之荊湖宣撫使趙葵署文仲佐分司幕姚希德江萬里合薦文仲學爲有用後至國子祭酒

### 翟國榮

安陸府志

卷十七

十一

翟國榮咸淳八年爲復州副將時元人寇復州榮將兵戰於爛泥湖兵敗死之贈復州團練使立廟復州官其二子

元

### 白景亮

白景亮字明甫南陽人至正間遷沔陽府尹民徭多偏重景亮分其戶爲三等九則繇是遂均景陵至府河頗迂乃於縣南濬河徑達漢江民便之號曰便河時掘地得石刻曰白公溝民尤異焉奏最於朝特授

衢州路總管景亮性廉介勤苦自奉甚薄妻猶儉約  
惟以脫粟共飯而已事聞特詔褒美賜以宮錦

### 張寬

張寬至正間沔陽府尹有廉能聲嘗值歲澇民不聊  
生卽請于朝給粟賑恤一郡賴以生全

### 咬住

咬住沔陽府達魯花赤至正間竹山賊寇襄陽咬住  
引兵遇孛羅帖木兒於監利賊大至孛羅死之咬住  
回會徐壽輝陷沔陽咬住率妻子過柴林河曰水清  
安陸府志

### 卷十七

### 十二

得好俺一家就這裏死阿俱自溺

### 俞述祖

俞述祖字紹芳慶元象山人以翰林書筭調廣東元  
帥府都事入爲國史院編修已而出爲沔陽府推官  
時徐壽輝攻沔陽述祖領兵捍禦力盡城陷被執不  
屈罵不輟口遂遇害

明

### 沈仁

沈仁一名友仁濠州定遠人元季群雄四起仁舉義

於鄉後歸朮太祖從征有功授沔陽衛指揮同知代  
吳復守禦修築城塹建置官署兵燹之餘民恃以安  
後累遷都督僉事

王孟

王孟福清人初任翰林五經博士永樂中遷沔陽知  
州優於文學以廉自持且善撫字後卒於官民至今  
稱之

鍾順

鍾順字必華南海人景泰中知沔陽時寇擾荊沔順  
安陸府志

卷十七下

十三

以計擒之監利民來立生祠於滄浪之上

孫衍

孫衍華亭人進士成化中知沔陽操履勤慎灑令嚴  
朮郡事無不修舉長老相傳沔守第一

董傑

董傑字萬英寧國涇縣人進士弘治初知沔陽時大  
旱傑卽開廩賑之復蠲其租甫三月以事就逮去乃  
悉取賑籍焚焉民感之泣送滿路累官都御史

張弘宜

張弘宜字時措華亭人弘治年以進士擢御史調蘄州判官遷知沔陽剛明有爲嘗水荒民饑全活甚衆境內淫祠毀之幾盡尤務教士無嘗至學堂課諸生加勞賚焉性坦夷與士大夫接破崖岸每造飲必賦詩揮翰郡人懷之累官廣西副使

### 郝崧

郝崧絳人貢士正德初知沔陽九月致仕抵家其兄止崧於外取其牒視之知不以他歸始聽崧入其家規如此

### 安陸府志

### 卷十七下

### 十四

### 徐咸

徐咸字子正海鹽人進士正德初除知沔陽沔屬兵燹後咸撫輯惠養民多全活初沔地宜黍鮮種嘉穀咸爲陳厥疆畎引渠灌泉略倣吳地播種之灑與民習之累官襄陽知府

### 李濂

李濂字川父河南祥符人進士正德末除知沔陽才器閎邁吏事精敏詩文爲時稱尚政暇引諸生開閣講論多所啟迪一時士習丕振累官山西僉事

儲洵

儲洵字平甫泰州人進士嘉靖初以兵部郎中左遷知沔陽時郡數歉洵下車拊循嘗賑饑慮道遠煩民乃移粟分給所在沾被征需不急者一切罷止以身任咎流亡盡復嘗上疏請修江漢隄防言甚剴切

袁福徵

袁福徵字履善華亭人嘉靖甲辰進士官刑部郎中謫守沔陽風儀秀朗器宇溫和問民疾苦甚至泣下事有便民者移文上官縷縷數萬言熟議施行加意安陸府志

卷十七下

十五

考較人文丕變

張宗岐

張宗岐字于周江西龍泉人舉人嘉靖年除知沔陽一意安養毫髮不取上官酬應斗米片紙悉心經畫視里甲如傷年餘病作士民請禱持鮮厄簿見曰二百年來無如父母之慈仁者相與泣下一夕偶卒幾無以爲殮也

石汝瑩

石汝瑩宿松人繇舉人萬曆年任州事家本素封去

楚甚近一切供億皆取足於鄉扁舟載送毫不以煩  
民間小大之獄聽民和斛桁楊不設幾于刑措蒞任  
甫數月病卒輦車東還百姓焚香遮送哭聲滿路

### 應汝稼

應汝稼臨海人繇舉人萬曆年知州事負性慈仁不  
言而飲人以和工於愛民拙於事上大計調簡士民  
思之有遺愛祠

### 徐待任

徐待任嘗熟人繇舉人天啟年以婺源教諭陞沔陽

安陸府志

卷十七下

十六

知州長於文學有善政革火耗清弊孔築隄防大造  
編審里甲稱平沔民思之立生祠尋卒於官

### 關管

關管廣東南海人舉人永寧知州天啟年改任沔陽  
慈和寬裕愛民如子兩造盈庭以溫言折服人弗忍  
欺征收有灋轉王府長史士民泣送滿路

### 賀來獻

賀來獻山西寧□人舉人靜寧州知州崇禎初改守  
沔陽剛毅有操顰笑不苟囂民聞風破膽折獄片言

立剖無贖緩却餽革耗疏食敝衣有晏子狐裘之風

### 沈友儒

沈友儒字子真海臨人進士嘉靖年以刑部員外謫沔陽同知懦弱冠登第片言折獄出入屏除前導開平政廳於馬侯祠飲酒賦詩與諸生譚舉業衣食如寒素比歸惟圖書數卷

### 張璉

張璉濟南人貢士弘治末沔陽判官狷介有守每出不受民一飯即飯之必償其值而後食嘗行縣暮歸安陸府志

卷十七下 十七

適城閉從者呼之璉曰此禁門也去宿民家民家爲具食璉覺遽起改宿於隣比曉而入

### 鍾曉

鍾曉字景暘廣東順德人貢士嘉靖初以御史左遷沔陽判官質性純厚政尚平易自奉甚約遷知歸州知州儲洵送之謂曰君如是而來如是而去無愧於沔矣累官思思知府

### 黃直

黃直字以方金谿人進士除漳州推官嘉靖初謫判



沔陽直有志節性尤簡易出入屏除前呵嘗督民賦不嚴而辦尋以憂去民爭送之或有所餽悉卻不受

### 趙世奎

趙世奎神武右衛人進士嘉靖中以御史出判沔陽安靜不擾糧米收納嚴於稽察里甲賴其節省

### 侯加采

侯加采蒲州人萬曆己丑進士授河內令降沔陽州判性潔廉於民一無所取兵道駐劄本州自郡守而下時多叅謁供億之煩不無騷動閭里公乃製什物器用以省民費獄無大小剖決如流不避權貴在事二年遷順德司理行李蕭然圖書數帙而已

### 張順 補遺

張順字弘裕錢塘人舉浙江第一天順元年沔陽學正善詩文章書所著有井觀繇庵西湖醉樵諸集

### 陳璟 補遺

陳璟莆田人貢士成化中沔陽學正勤於教誨規模嚴整每夜躬課諸生勤惰必冠帶而後出七年不懈

### 麥育

麥育饒平人舉人崇禎時任沔陽州有文學習吏事敏練著聲寬嚴交濟人咸戴之以直道忤時而去

### 章曠

章曠字于野華亭人由進士崇禎時知沔陽州數年力興古學人士多有識拔後皆成名癸未流賊陷郢沔有奸徒欲爲內應及諸生謀不軌者公皆計擒殺之未幾賊帥白旺擁衆攻沔公悉力拒守不支城遂陷公潛出招募鄉兵走湖湘協同舊撫圖恢復不遂抱憤沒喪還江南道過沔沔人奠送者遠至百餘里

### 安陸府志

#### 卷十七下

十九

### 馬颺

馬颺字雪如陝西同官人貢士崇禎十五年任州同知癸未賊陷承天發大衆十萬壓境而來公督鄉兵堵賊賊衆四集已繞出公背公馳介馬疾呼入保城所向披靡賊至益衆公下馬奮呼家丁數人背合與賊戰猶射殺數十賊矢盡力竭被執不屈賊怒用勁挺通中而死公死旬日膚體不變且掀髯拊手若含笑者藁葬城東高泌垸踰二十一載子某來沔啟殯易棺公顏色如生沔民見者猶歔歔垂涕云

安陸府志卷之十七

良吏列傳

邑職

景陵舊為郡已治在沔陽後不改復邑尚

景陵縣

嗣

張天麟

張天麟荆門人洪武初任與指揮李廷珍修築城堞協力保障有功於民子孫因家焉

嚴貞

安陸府志

卷十七下

二十

嚴貞由秀才洪武初任廉介有為孜孜愛民

楊季安

楊季安字懷忠安福人永樂中任時沔水泛溢城邑俱壞安大修堤防至今賴焉

張繼宗

張繼宗字善永興化人由監生成化十六年任先時水決城壞宗重築土城秩滿致仕人有遺思焉

姜綰

姜綰字玉卿弋陽人由進士成化中任時制度簡陋

蠹弊漸深縮既搜剔復爲規畫巨細畢舉興學墾田  
民懷吏長尤以文章飭吏事有所朞置輒爲記述六  
年之間文治蔚然擢監察御史

周端

周端字德莊高郵人由鄉貢弘治間任性嚴介扶善  
鋤惡遇事敢爲廢弛之邑政賴修舉卒於官

陳良玉

陳良玉字德夫富順人由進士正德中任時單車出  
行田間勸課農桑尤注意學校暇則與諸生講論日  
安陸府志 卷十七下 二十一  
晏不倦士亦鼓舞其教翕然稱治初邑城多圯至是  
大舉築甃期年而竣雉堞堅完民無窮費

左輔

左輔涇縣人由進士正德間任政尚平恕不事表暴  
盡心撫字民服其化有古循吏風

來亨

來亨河南汲縣人由貢士正德間任性剛直無所回  
撓官胥至縣需求一無所與里甲差費不過錢計泣  
任甫一年即罷去衆論惜之

李東

李東字元震番禺人由舉人正德中任修隄防建廟學至今賴之遷興國知州

丘宜

丘宜字汝仲新建人由舉人嘉靖間任初蒞政繕整塍簡供億權郵遞修學校諸廢悉舉時縣志久缺公續修若干卷

陳席珍

陳席珍字君聘富順人由舉人萬曆間任奉例清丈

安陸府志

卷十七下

二十二

復沔侵界編簽里甲時絕甲田產旁郡皆勒民上值公毫無所問又修築隄垵水不爲害民立碑記之

程子諫

程子諫歛縣人由舉人萬曆間任時奉旨改正虛糧公釐定畫一將田地頃畝勒石永爲定例至今石碑猶存

梁從興

梁從興號萊庭廣東南海人由進士萬曆間任公下車問俗極意拊循興學重士平圖均里在任三年卒

劉繼禮

劉繼禮字公立宜賓人由進士萬曆間任歲饑捐俸三百緡爲完逋賦襄郢水漲大璫欲曲防有害於景公毅然爭之復以漁稞事請下所司徵解因忤分巡意遂請假歸士民攀轅號泣公亦揮涕而別立生祠以誌去思

程維楨

程維楨字簡子富順人由舉人萬曆間任公下車間俗興利除弊請改南折入覲疏請減遼餉上大司農安陸府志

卷十七下

二十三

三書至今傳之所著拙圃十卷皆治蹟實錄也

任贊化

任贊化字參之聞喜人由進士天啟五年任公初任棗陽以循良稱調繁景陵是時邑多積逋公取細戶冊坎第布之革完糧立里戶平設六櫃許納戶自投匭內復親征漕糧椽吏不得高下其手領解邊餉毫弗累及里役擢監察御史士民立五不朽碑至今在縣治前

楊一儁

楊一儁字又起隣水人由進士崇禎二年任公材力敏決修城築堤餽學校均里甲以卓異稱行取南漕御史

國朝

汪滙

汪滙字玉濤江南上元人由進士順治六年任負性英特居官以清能著卒於任邑人惜之

安陸府志

卷十七下

二十四

安陸府志卷之十七

良吏列傳

州職

亦有表歸州在郡就其地以從隸之時

荆門州

晋

王戎

王戎臨沂人王渾子也神彩秀徹視日不眩領荊州刺史受詔伐吳撫慰新附宣揚威惠荆土悅服

齊

安陸府志

卷十七下

二十五

庾黔婁

庾黔婁為編都令政有異績時境多猛獸黔婁至皆渡臨沮人以為仁政所感

宋

孫鏞

孫鏞汝陽人知荆門軍善於教養父老愛戴之二子曰何曰僅於郡之東山築室讀書相繼大魁

李叅

叅叅宋初知荆門軍荆門歲以夏伐竹輸荆南造舟



積久生蠹不堪爲用牙校破產不能償叅請冬伐竹  
度其費以給遂除其害

### 洪适

洪适紹興間知荆門軍上寬恤四事時論躐之貢例  
附薦於會城公奏請試於本郡見貢院記

### 陸九淵

陸九淵字子靜江西金谿人乾道八年進士由靖安  
簿移知荆門軍民有訴者無早暮皆得造於庭即爲  
酌情決之多所勸釋其有涉人倫事者使自毀其狀

### 安陸府志

#### 卷十七下

#### 二十六

以厚風俗每旱禱即雨荆故無城請於朝城之卒謚  
文安

### 吳昉

吳昉高宗時知荆門盜起鼎州攻荆門防禦兵敗死  
之立廟以祠謚英愍有斷碑存

### 葉綦

葉綦義烏人知荆門會建議築城於東蒙二山之嶺  
綦執不可遂解綬去

### 范彥暉

范彥暉紹興中貶荆門作陰雨詩云何當日月明  
洗蒼生病檜指爲謗訕諷言者劾去之

元

郝煙

郝煙元貞二年知荆門能撥煩治劇雍容整暇約己  
節費勤於爲政趙從政有記

馮相

馮相延祐間知荆門寬仁慈愛學問政事並稱於時  
耿奉訓

安陸府志

卷十七下

二十七

耿奉訓天曆初知荆門公正廉恕剖決如流歲饑出  
俸米煮粥活饑民萬餘口有德政碑

田溫

田溫至順二年任知識明敏區畫有方道民以詩書  
禮義之教風俗翕然稱善

聶炳

聶炳字韞夫武昌人至正間知荆門州甫半歲淮  
賊起荆門不守炳出募土兵復荆門江陵未幾賊復  
來攻炳晝夜血戰城陷遇害

剛

應伯和

應伯和處州人洪武間知荆門律已廉介治民仁惠  
去任惟槩書而已州人懷德久而不忘

邢寧

邢寧武進人正統十一年任鰲介明敏盜賊屏息革  
□弊興學校民咸德之

陳厚

陳厚陝西乾州人由舉人景泰二年知荆門嘗徂微

安陸府志

卷十七下

二十八

行以察民隱城北有老嫗紡至半徂命女取濁酒以  
飲女誤發其他甕笑且言曰此酒甚清如陳太守何  
謂濁邪公過適聞之明日召老嫗請曰我有何清昨  
所言妄矣嫗曰人心至公小女之言實公素行也何  
妄其清德見知於人多類此

徐泰

徐泰成化十五年任秩滿將遷州民萬餘赴闕下願  
得前任徐君疏上先奏復任卒於官

陰子淑

陰子淑字宗孟四川內江人成化壬辰進士知荆門  
鯁介不阿尤篤撫字二載百廢具興政暇與諸生講  
論經史毀淫祠表節義舉行家禮官至副使

### 張壘

張壘浙江歸安人由進士除上高令陞本州弘治六  
年任清廉慈惠勸農興學早禱即應荆民戴如父母  
後陞福州同知尋陞僉事轉副使

### 高瑶

高瑶閩縣人以鄉薦官荆門州訓導成化間上書請  
安陸府志

卷十七下 二十九

加景皇廟號事下禮部因左春坊黎淳極詆景皇斥  
高瑶至引魯隱公爲比議遂寢

### 孟統

孟統山東寧陽人正德五年以監生歷荆門知州捐  
俸增廓號房夫妻相繼病卒僚佐啟其囊得白金七  
分他無所積上官聞而異之給費扶櫬以歸

### 李士翱

李士翱字如翰長山人嘉靖初知荆門擢守承天時  
慈宮南祔供應浩煩翱區畫有方民不爲擾歲饑多

方賑恤民駢死疫癘捐俸營地葬之

徐天祐

徐天祐臨海人萬曆四十八年任性仁慈揮淚用刑時土司援遼者來逞如織胥賴調停民得安堵後陞夔州府同值石柱施州二土司構難公捧上檄往諭之卒以成功郡人立祠繪像以誌遺愛

姜思諒

姜思諒江南人萬曆末年任署州事案無留牘吏無伏奸政事之暇偕諸文士賞花賦詩荆俗多樸陋因

安陸府志

卷十七下

三十

公一變

石琢玉

石琢玉山東范縣人崇禎七年任時州城卑狹而賊氛近在荆襄公得報悉力防守賊薄城者三不能下遂退即詳請修城屹然金湯矣

牛光斗

牛光斗陝西人崇禎七年任初至賊即犯城公率鄉兵百人直搗賊營賊偵知爲西人遁去追殺數十人隨奉督檄調鄖陽運糧屢立竒功荆門多勇敢者牛

公訓練之力也

盧學古

盧學古山西人崇禎十五年以本府同知署州事適  
闖賊南下公督衆守城三晝夜矢石傷賊無筭賊忿  
甚急攻城陷公罵賊不屈遂磔於土門石碑上

沈方

沈方號大愚浙江烏程人以拔貢任荆門同知崇禎壬  
午冬闖賊南下公與署州事盧公學古竭力守城殺賊  
甚衆城破被執舁至南臺罵賊死闔門遇害者十八人

安陸府志

卷十七下

三十一

國朝

張文富

張文富明末鄖陽副將闖逆據荆門時富守僊居寨  
訓練鄉勇襲破州城僞官逸去以不得誅之爲憾我  
朝初投試鎮守荆門時州城毀於賊富重築之後陞  
鎮江副總

貢駿業

貢駿業北直靈壽人由舉人順治七年任有惠政竟以佞  
直獲罪當路被誣士民上書莫救抱憤而沒聞者垂涕

安陸府志卷之十七

良吏列傳

邑職

當陽縣

漢

馮野王

馮野王字君卿受業博士通詩年十八上書次補當陽長後以治行入爲左馮翊京師稱其威信遷爲大鴻臚上欲用爲三公恐後世謂我私後宮親屬以野安陸府志

卷十七下

三十二

王爲比出爲扶風太守野王乃嘆曰人皆以女寵貴我兄弟獨以賤雖不爲三公甚見器重後弟立相繼爲郡治行類野王民有大馮君小馮君之謠

唐

高履行

高履行永徽中爲平州刺史歲旱自暴以祈而雨大至穀遂登人歌之曰父母有我兮由使君挺精誠兮上天聞中田致雨兮山出雲倉廩實兮禮義申願君常在兮不速貧

宋

謝徽明

謝徽明弋陽人疊山先生伯父也爲當陽尉攝縣事與元兵戰死二子抱父屍亦死

元

張彥文

張彥文保定人至正二十八年任適縣治始創彥文安輯有方興學勸士去任民思慕之

王元賓

安陸府志

卷十七下

三十三

王元賓至元間任時兵燹學廢元賓至乃相舊址修復如制

明

魏忠

魏忠洪武十三年任邑治方城遭水患忠徙復舊治增修廡宇創學興化政蹟足稱

姜英

姜英福建政和人舉人成化中任蒞事公勤臨民平易間四川便路置馬遞邑自是爲通衢生殖以振惠



政甚多擢監察御史民歌之曰姜當陽古循良自去後德難忘

侯嘉祥

侯嘉祥廣西橫州人由舉人嘉靖初任始至邑廩空虛後以積贏薦民有羅仲仁者徂殺其二弟詰朝以盜殺告察其辭色有異亟叱之曰汝殺人當復誰捕竟抵其罪邑人稱爲神嗣遷綿州知州民爲立十善碑

張松

安陸府志

卷十七下

三十四

張松號湛源廣西宜山人舉人隆慶中任時境內多流劫松設法捕獲三十餘人邑賴以安沮水壅決壞城松疏河道南北築長堤數百丈以捍城遂爲永利性好山水公餘吟咏不廢

任夢榛

任夢榛字山甫南直休寧人監生萬曆初以經歷署縣事築城修志亦其功也

曹養正

曹養正四川綿竹人舉人萬曆中知當陽釐奸弊輕

徭賦獄無冤民嘗曰吾以三無負者官此一方柰何以民之性命供吾喜怒以民之膏無殃吾子孫也卒於任百姓哀泣如喪所親

□汝隨

汝□號心源山東益都人歲薦萬曆末任知縣清□簡□河溶鎮民商湊集向苦多盜自汝隨嚴保甲法民帖安奉上檄督兵於沅威略甚著加同知銜督餉勞瘁卒於道樞經本邑民攀號不絕

論曰自一人不能獨理既任公孤卿貳以論道經邦安陸府志

卷十七下

三十五

猶慮畿甸之外耳目難周也故守令之設更重於內臣迺周秦以來涖茲土者代不乏人何循良治績卓有表見者僅僅可數邪語曰不習爲吏視已然事則繼此而興起者專有望於後之君子矣